

ذار الفنون

حقوق فائز و لیتیز مجتبیٰ

مفوق ، اقتصادیات

ایکی آبدہ بر نشر اولنور

مندرجات

قسم مفوق :

اسویچره قانون مدنیسنه نظراً هبه حاجی عادل
 المانیاده وصایت محکمه لری و وصایت ایشلری (محکمه اصلیه اعضاسندن) صبری
 قتل ولید ادهم طاکف
 اسویچره قانون مدنیسی شرحی وصفی راشد
 فرالسهده شورای دولت »

قسم اقتصادی :

مصارف عمومیه زهدی
 اجتماعی سیغورطه لر حامد

اسویچره قانون مدنیسنه نظراً (هبه)

— یکن نسخه دن مابعد [°] —

(۳) اگر موهوب له سبب مقبوله مستند اولمقسنزین عقد هبه ده درعهده ایتدیکی کلفتله ایفا ایتمز ایسه . (۲۴۹)

— ۱ —

(هبه) دن رجوع

موهوب لهک ارتکاب ایتدیکی جرمک ، جزا قانونه نظراً تقسیم وتصیفنه محل وحاجت یوقدر .

واهبه قارشی ایقاع اولونان جرمک نصل اولورسه وخیم اولاجغنی ، واهبک حسیاته کوره حساب ایتمک لازم کلیر ، مثلاً بعض احوالده قانون جزایه نسبتله یک خفیف اولان جرملری ، آغیر جرمدن عدایمک قابل دره . شخصه متعلق اولان جرملر اکثریا بوقیلدن دره ذم وقدحی متضمن جرملر کی . بونلرده جزا قانونی جرمک درجه سنه کوره جزا نسبتی تعیین ایدرکن البته بوحقارته اوغرایان شخصدن زیاده صوغوق قائلی دروعدالتی تأمین ایله مکلفدر . [مع هذا قباحت درجه سنده کی جرملره استناد ایدیلرک هبه دن رجوع درجه سنده افراط کاراغده محل بر ایقاعق جائز دکل در .] موهوب لهک واهبه ویا قرینه قارشی ایقاع ایتدیکی جرمک ، جهت عدلیه جه تعقیب ایدلمکده بولونمسی شرط اولمایوب مجرد جرمک وقوعی هبه دن رجوع ایچون سبب تشکیل ایده بیلیر .

آلمان قانونی بونقطه یی محاکمک اجتہادینه مساعد بر شکلده مبهم بر اقمش (موهوب له واهبه ویا اقرباسندن برینه قارشی اولان وجیهه ذمتی ایفاده آغیر بر قصور ایقاع ایدرک عظیم بر کفران نعمت ارتکاب ایدرسه) دیمشدر .

(قرابت) صفتی ده ینه واهبک اقرباسنه قارشی متجسس اولدینی حسیاته کوره تدقیق ایتمک لازم کلیر مثلاً حد ذاتنده واهبک حال اختلاف وتزاعده بولوندینی اقرباسنه قارشی یاییلان بر جرم ایله واهبک سودیکی اقریابه قارشی ارتکاب ایدیلان جرم آراسی تفریق ایتمک ایجاب ایدر . برنجیسی احتمال که واهب ایچون بروسیله رجوع اوله ماز . کذا یا بانجیلر [°] حقوق مدنی مدرسی حاجی عادل بک افندی بک ایکنجی صنفده کی تقریرلندن مقتبسدر .

اولور کہ واهبک آنلرله مناسبی خصم لخدن چوق فضله وچوق صیتی در ، قرابت صفتی اونلرمده اشمیل ایتک موافق اولور . بوجہ تیری آرتق محاکمک تدقیق ایتسی ایجاب ایدر . برده تجاوز ایتدیکی اشخاصک واهبک اقرباسندن اولدیغی موہوب لہک مطلقا بیلمسی لازمدر . کذلک وسیلہ رجوع اولان جرم ، مطلقا یا واہبہ ویا اونک یقینتہ واقرباسنہ قارشی ایقاع وارتنکاب ایدلمش اولمی در یوقسہ یابانجیلرہ قارشی یاییلان ہرہانکی برجرم سبب رجوع اولہ ماز .

مادہ نک ایکنجی فقرہ سندنہ کی وظائفدن عدول مسألہ سنہ کلنجہ :

مثلا زوجین آراسندنہ مشروط اولان معارزت متقابلہ وظیفہ سندن استنکاف ، اقرباہ قارشی قانوناً مکلف اولدیغی وظائفدن عدول حرمت واطاعتدن استنکاف ، اخلال صداقت طلاق دعواسی ایجاب ایتدیرہ جک احوالہ تصدی ، سوء معاملہ ، اقربا واولاد آراسندنہ یکدیگری رنجیدہ ایدہ جک معاملات بوجہ لدن در [*] .

اوجنچی فقرہ کلنجہ : واہب ، موہوب لہدن تحمل ایتدیکی کلفتک اجراسنی ایتہر ، اودہ یامازسہ حق رجوع ثابت اولور شوقدر کہ رجوع صحیح اولق ایچون شرط وکلفتک سوء نیتہ مقارن اولہرق ایفا ایدلمدیکی تحقق ایتلی در مثلا یوقاریدہدہ سویلندیکی وجہلہ موہوبلہ اگر آلدینی ہبہ ایلہ تحمل ایتدیکی کلفتی تأمین ایدہ میہ جک بر موقعہ دوشورلمش اولورسہ عقد ہبہ نک اتمامندن یعنی کلفتی تحملدن واجرادن امتناع ایدہ بیلیر .

الحاصل بویلہ بر مانع مقبول موجود اولمادیغی تقدیردہ واہبک طلبی ایلہ موہوبلہ تعہدینی ایضایہ جبر اولونور . موہوبلہ یا عوضی ویریر ویا ایفا ایدر ویا بونک یرینہ واہبک رضاسیلہ باشقہ برشی درعہدہ وایفا ایدر ویا خود مال موہوبی اعادہ ایدر .

— ۲ —

(وعد اعطا) دن رجوع

برشی ویرمک وعد و تعہدندہ بولنان کیمسہ آتی الذکر احوالہ وعدندن رجوع و تعہدینی انجام وایفادن استنکاف ایدہ بیلیر :

۱ — اگر عن ید ہبہ دن رجوع طابقی معذور کوسترہ جک اسباب آنفہ موجود بولونورسہ ،

[*] آلمان قانونی بموآمدہ خلاصہ شویلہ برحکمی محتویدر : واہب ، مال موہوبی ویرمزدن

۲ — اگر وعدك ایفاسندن صوکره وعد ایدن شخصك احوال مالیه سی ، تعهد واقعك ایفا واجراسندن فوق العاده متأثر اوله جق صورتده دیکشمش ایسه .

۳ — اگر وعدك ایفاسندن صوکره کندیسنه عائلوی ویکي بعض کافتلر حادث اولمش ویا حس ایدیه جك صورتده مالی کلفتلی آرتمش ایسه .

بوندن باشقه (وعداعطا) وعد ایدن شخصك افلاسیله ویا علیه اوله رق فقدان اموال حقنده بر حکم صدوریله باطل اولور . (۲۵۰)

برنجی فتره شرح وایضاحدن مستغنی در . (۲۴۹) نجی ماده ایله معین وتمام اولمش بر هبه دن رجوعی موجب اسباب تحدث وتحقق ایدنجه هبه نك وعدندن دخی رجوع اولی بالطریق جائز اولمق لازم کلیر .

ایکنجی فقره یه کمنجه : وقوعی واهب ایچون فوق العاده بهالی به مال اوله جق بر هبه ، واهبی دیگر وجانبی حسن ایفادن منع ایدر ، یاخود اونك وعائیه سنك معیشتنی تضییق ایدمه جك بر ماهیتده کورینورسه وعد اعطا وهبه دن رجوع حق ثابت اولور .

آلمان قانونی بوبابده شویله بر حکمی شامل در :

« واهب ، دیگر تعهدات ذاتیه سی اعتباریله کندی موقع وشرائط حیاتییه سی دائره سندہ تعیشی کیفیتنی ویا قانوناً اجراسی کندیسنه مترتب اولان وجائب اتفاقیه نك اداسنی تهلمکیه وضع ایتمکسزین هبه طریقله تحمل ایتدیکی وجیبیه یی ایفا ایدمه یه جك بر حالدہ بولونورسه وعد و تعهدنی ایفادن امتناع ایدمه ییلیر .

موهوب لهلرک تعددی حالده هبه لرك الك قدیمی ترجیحاً انفاذ اولور . »

دیلمک که واهب ، بو حالده وعد ایتدیکی شیئی ویرمز ویرمش ایسه یوقاریکی ماده موجبجه استرداد ایدر .

اوچنجی فقره ده کی عائلوی ویکي وظائف شونلر اولابیلیر : وعد اعطادن صوکره طلاق وقوعی سببیه تضمینات وسائرہ تأدییه سنه مجبوریته ، تأهل ، چوجوقلرک عددنده ، باقیم وتحصیل مصرفلرندہ تزايد ، کندیسنه قانوناً مکلف اولدینی اقرباسنك نفقه سنه

اول حائز اولدینی شرائط حیاتییه موافق صورتده نفسی اعاشه واقرباسنه قارشی قانوناً مکلف اولدینی وظیفه اتفاقیه یی ایفا ایدمه یه جك بر حالدہ بولونورسه هبه اوله رق ویردیکی شیک استردادنی طلب ایدمه ییلیر . « فقط عینی قانون ، « موهوبله اگر واهبک مصارف اعاشه سی تسویه ایدرایسه مال موهوبی رد ایتک مجبوریتندن وارسته قالمه ییلیر » حکمنی ده تدوین ایتکده درکه اسویچره قانونی بو حکمدن ساکت در .

عائد و جائب . . الخ . بونلرک موجودیتی ویا ازدیادی واهبک احوال مالیه سی اوزرنده
تأثیرینی کوستره جکندن وعد اعطادن رجوعه سبب اولابیلیر .

شاید واهبک احوال مالیه سی یکیدن کسب صلاح ایدر ، مثلاً بویوک بر میرانه
قونارسه ، یاخود کندی اوزرینه ترتب ایدن وجیهلر زائل اولورسه هبه یکی باشدن
تأثیراتی و حکمنی احراز ایده بیلیر ایسه ده بوخصوصده موهوب لهک طلبی و کیفیت
صلاح انباتی لازمدر . یالکیز افلاسدن صوکر ا حال سابقک عودتی حالنده هبه یه یکیدن
موقع و بریله میه جگنی شارحلر سویلورلر .

رجوع اگر عوض وکافت شرطنک ایفا ایدلمه سندن دولایی واقع اولورسه مال
موهوب اوزرنده موهوب لهک بالجمله تصرفاتی کان لم یکن اولوق لازم کلیر . فقط رجوع
کفران نعمت ، یعنی واهبه ویا اقریاسته قارشی بر جرم ارتکابندن دولایی واقع اولویورسه
بو برجزا دیمک اوله جغندن جزانک تطبیق اولوندیغی تاریخندن اعتباراً حکم افاده ایتسی ،
موهوب لهک او وقته قدر واقع اولان بالجمله تصرفاتنک صحیح و معتبر اولسی ، واشخاص
ثانیه نک رجوعدن متضرر اولماسی اقتضا ایدر .

مقایسه یه مدار اولوق اوزره مختصراً سویلیه لمکه فرانسه قانون مدنیسنه کوره هبه دن
رجوع ایچون اوچ سبب وارددر :

(۱) موهوب له طرفندن درعهده ایدیلان وجیهه نک عدم اجراسی .

(۲) موهوب لهک کفران نعمت ده بولنسی .

(۳) واهبک اولادی دنیایه کلسی .

کفران نعمت دخی واهبک حیانه قصد ایتمکه ویا واهبه قارشی شرف و حیثیتی خلل
و آغیر حقارتی متضمن بر جرم ایقاع ایتمکه ویاخود موهوب لهک واهی انفاق واعاشه دن
اعتناع المسیله تحقق ایدر . فقط هر حالده موهوب له ، مال موهوبک قیمتندن زیاده
برکفته واهی انفاق واعاشه ایله مکلف طوتیه ماز .

هبه دن رجوع ، آنجق واهبک رجوعه حق ویرن سببه اطلاعی تاریخندن اعتباراً
برسنه ظرفنده واقع اولابیلیر .

اگر بر سنه ختام بولمازدن اول واهب وفات ایدر ایسه دعواسی ورثه سنه انتقال ایدر . بومهلک ختامه قدر اونلرده رجوع دعواسی تعقیب ایده بیلیرلر .

کذلک موهوب له قصداً و بغير حق واهبک اولومنه سببیت ویرمیش ویا حق رجوعی استعمال ایتمکدن واهی منع ایتیش ایسه ورثه دخی رأساً هبه دن رجوع ایده بیلیر . (۲۵۱) اسویچره قانونه نظرأ رجوع ایچون معین بر شکل یوقدر ، تحریرأ ویا شفاهأ موهوب له ویا نایب قانونیسه رجوعی تبلیغ ایتک کافی در . حتی بعضأ مال موهوبی فعلاً استرداد ایتمکله ده رجوع حاصل اولور .

[آلمان قانونی : هبه دن رجوع ، موهوب له قارشی واقع اولان بیان ایله حاصل اولور . متذکره بر ماده ایله بو کیفیتی ده تصریح ایتشدر .]

واهب ، حق رجوعندن فراغت ایده بیلیر ، بونک ایچون ده بر شکل معین یوقدر : [حق عقدک اساسی بر شکل و مراسمه تابع اولسه بیلر] فقط اسویچره قانونی شارح لرینه نظرأ واهبک یالکیز (عفو ایتدم) دیمسی حق رجوعندن فراغتی تضمن ایتمز ، آلمان قانوننده ایسه [واهب موهوب لهی عفو ایتدیکی تقدیرده حق رجوع ساقط اولور] حکمی صریحاً مدون در ، فی الحقیقه من له الحق کفران نعمته واقف و مطلع اولدقدن صوکرأ حق رجوعندن (عفو) طریقله فراغت ایتسه آرتق حق رجوعک دوام ایتمه سی ایجاب ایدر . اسویچره قانونه نظرأ رجوع دعواسی مدتی ظرفنده اولقی شرطیله موهوب لهک ورثه سنه قارشی دخی اقامه اولونه بیلیر .

بوکا مقابل آلمان قانوننده [موهوب لهک وفاتندن صوکرأ رجوع غیر معتبردر] حکمی موجوددر . (*)

واهبک ورثه سی ، استرداد دعواسی آچدقلری وقت مورثلرینک حق رجوعی استعمال ایتمکی اختیار ایتدیکنی در میان ایتلری وکذا رجوعی موجب برحقک موجودیتنی اثبات ایتلری لازم کلیر .

[*] آلمان قانوننده بو حق رجوع دعواسی واونک مدتی ایله علاقه دار بر ماده واردرکه خلاصه ترجمه سی شودر : « واهب اگر فقر و ضرورته کندی فعل قصدی ایله ویا آغیر بر قصوری سببیه معروض قالمش ویا خود مال موهوبک تسلیمی ایله کندی فقر و ضرورتی آراسنده اون سنه کچمش ایسه آرتق بوسیله مال موهوبی استرداد طلبی رد اولونور .

بوندن باشقه موهوب له دخی دیگر تعهداتندن دولایی شرائط حیاتیه سنه موافق ص ورتده تمیش امرینی ویا قانوناً مکلف اولدینی وظائف اتفاقیه یی تهلکیه قویعقیزین مال موهوبی اعاده ایده بیلرک برحاله دکل ایسه واهبک استرداد طلبی رد اولونور . »

واقعا حق رجوع اساساً واهبه بخش اولونش برحقدر. فقط او بر کره بوحقی استعمال ایدم جگنی سویلش ایسه وارنلری بالطبع آچدینی دعوائی تعقیب ایدرلر و یا خود دعوائی کندیلری آچارلر قانونک کندیلرینه رأساً حق رجوع طانیدینی سببه کلنجه بوده موهوب لهک کندی مورنلرینک اولومنه بغیر حق و قصداً سبب اولسی ویا اونی حق رجوعی استعمال ایتمکدن منع ایتسی در. بوتقدیرده ورثه نک یکی باشند حق رجوعی استعمال ایتمکه و دعوا آچمه صلاحیتی واردر.

کذلک واهبک ورثه نی مورنلری طرفندن هنوز ایفا اولوتماش و رجوع تشبثنده بولونش اولان بروعد و تعهدی انجامز واجرا ایتک مجبوریتنده دکلدر ، بوندن امتناع ایدم بیایرلر .

خلافی مقاوله ایدلمش اولمادقجه تقاضی معینه به مربوط اولان هبلر ، واهبک وفانیله منفسح اولور . (۲۵۲)

[بوماده آلمان قانوننده شویله یازیلی در : واهبک دیگر بر شخصه قارشی اوقات معینه ده اعانه آچمه سی ادا ایدم جکنه دائر اولان تعهدینک حکمی وفانیله ساقط اولور . مکرر که خلافی تعهد واقعدن استدلال اولونه .]

واهب مدت معینه ظرفنده اقامه دعوان بعض احوال و اسباب دولایسیله ممنوع اولاییلر بوحالده موهوب له دعوانک جیکدیکنی ادا ایدر ویا واهبک اسبابه مطلع ایکن اقامه دعوا ایتدیکنی سویلر ویا حق رجوعدن فراغت ایتدیکی اداسنده بولونورسه بولنری هب اثبات ایتسی ایجاب ایدر .

مقایسه :

اسویچره قانون مدینسه نظراً (عقد هبه) ایله احکام حاضره مزه کوره (عقد هبه) آراسنده اوافق بر مقایسه یاقمق فائده دن خالی دکلدر :

- (۱) تعریف اعتباریله ایکی قانون آراسنده هیچ برفرق یوقدر .
- (۲) عوض شرطیله هبه ، هرایکی قانونه کورده معتبردر . اسویچره قانونی بوبابده دها عملی بعض احکامی محتویدر (۲۴۶) نجی ماده ده اولدینی کی .
- (۳) هبه نک رکنی ، ایجاب ایله قبولک مجموعه ایدر . اسویچره قانوننه کورده عقدک صورت تشکلی اعتباریله هبه تراضی طرفین ایله منعقد اولور . فرانسه ده اولدینی کی عقدک کاتب عدل حضورنده تنظیم اولونش بروثقیه استناد ایتسی لازم دکلدر .

(۴) هبه نك تمامیتنه کلنجه : بر شینك عن بد هبه سی اوشینك واهب طرفندن موهوب لهه تسلیمی ایله واقع اولور .

غير منقولك هبه سی ده عقدك دفترخانه ده تسجیلی صورتیله تمام اولور .
(عن بد هبه) هبه مقبوضه ديمك اولوب احكام حاضره مزه كورده ده هبه نك قبض ایله تمام اولاجغنه نظرآ بوجهتجه ده برفرق یوقدر .

(۵) اسویچره قانوننده (وعده هبه) یه تحریری اولوق شرطیله حکم ترتیب اولونمشدر .
تحریری اوله رق واهب طرفندن واقع اولان ویا احتیاجه صالح بر وثیقیه ربط ایدیان هبه وعدلری موهوب لهك آلاجنی اولور . وانجاز و اجراسی وسائط عدلیه ایله طاب ایدیلیر .

حقوقزه نظرآ هبه آنجق قبض ایله تمام اولاجغندن وعد و هبه ، هر هانکی شکله اولورسه اولسون حقوق بر تضییق ایله واهبك انجاز و اجراسی استلزام ایتمز . چونکه مجله نك استناد ایتدیکی نظریاته كوره عقد هبه ده ایکی نوع تبرع واردر : بریسی حق ملکیتك تبرعی دیگر ی ده ، ملك يدك بخشایشی در . بر کیسه حق ملکیتكی مجانا ترك ایتکی ایجاب ایتمکه ملك یدی ده ازاله و مالك تسلیمی در عهده ایتشدر دینله مز .

[مع مافیه مجله نك اختیار ایتدیکی اجتهادات واردر که اونلره كوره انعقاد حکم ملکیتك علی در . بنساء علیه ملکیت بلا تراخی کمالیله ثابت اولور و بیع کی هبه دخی قبل القبض حکم افاده ایدر .]

ایشته هبه نك آنجق قبض ایله تمام اولاجغندن ناشی در که مجله یه كوره قبل القبض واهب خود بخود هبه دن رجوع ایده بیلیر ، هبه هر هانکی شکله واقع اولورسه اولسون . فقط اسویچره قانوننه نظرآ وعد هبه اکر شرائط قانونیه دائره سنده واقع اولمش ایسه هبه مقبوضه کی حکم افاده ایدر و خود بخود رجوع جائز اولماز . واهبك تبدیل فکر ایله رجوع ایتسی آنجق موهوب لهك قبولندن اول واقع اولابیلیر . ولوکه تسلیم واقع اولماسون ، ولوکه ایجاب یالکیز (وعد) ماهیتنده تجلی ایتسین هبه ایجابی ، موهوب لهك قبولیله کسب قطعیت ایدنجه انعقاد ، اساس اعتباریله غیر قابل رجوع صورتده تحقق ایدر .

اولجده مذا کره ایدلیدیکی وجهله قبل القبض واهبك خود بخود هبه دن رجوع ایده بیلیمسی مدافعه بعض ملاحظات اجتماعیه در میان اولونه بیلیر و بر کیسه نك ضرر محض اوله بیلله جك تصرفاتی - تمام اولونجه یه قدر - بعض مرحله لره تابع طوتمق بو صورتله لزوم سز اسرافلرك

او كنه حكمتك موافق اولاييلير ، اكثر يا (هبه ايتدم) ديمك قولاي (تسليم) ايتك كوچدر . هبه دن صوكر ا ندامت باش كوستريرسه واهبك بر مخلصي اولميدر كه تحق ايدمك بك بر ضرردن كنديسي وقايه ايدم بيلسين . اكر واهب ، ايجاب و قبولدن صوكر ا مالي آلندن چيقمق صيره سي كلنجه منفعتك صورت جديده خللدار اولاجغى كوريرسه موهوبى تسليم دن امتناع و هبه دن رجوع ايدر .

فقط (وعد هبه) نك وتعير آخرله قبوله اقتران ايدن ايجاب هبه نك حكم افاده ايدمك موهوب له حسابنه مطلوب قيد ايدلمسي ترويج ايدن اسويچره حقوقى - كه بزده ده بور ايدم بولنان علما واردر - اولايك مهم اوله رق طرفيك تراضى و موافقتيله وجود بولم اولان بر عقدى يالكيز بر طرفك كيف و آرزوسنه تابع طوتمقدن احتراز ايتمش و يالكيز موهوب لهك قبوله قدر ايجابدن رجوعى ترويج ايلشدر .

مقاوله ايله ثابت اولان بر حقه رعايت ايتمه مك عقودده قطعت وديعومت ملاحظه ليرى اخلال ايدر . واهب دوشونسون ، طاشينسون ، آكا كوره هبه ده بولونسون . هم قبوله اقتران ايدن بر هبه ده بولونمق ، همده آندن خود بخود رجوع ايتك اوتهدنبرى مقبول و معتبر عد ايدلمه شدر . شو قدر كه عقددن مقصود اولان غايه نك اسباب حادثه ايله عدم تحق حالنده هبه ي فسخ و موهوبى استرداد امكانى بعض قيود و شروط آلنده قبول ايدلمش اولديغندن فى الحقيقه انعقاددن صوكر ا يالكيز بر طرفك وبلا سبب هبه دن رجوع ايتمسي شاين قبول اولاماز .

(٦) عقد هبه ده واهبك اهلبق اعتباريله بعض تقيدات واردر . زوج و زوجه آراسنده مشترك اولان امواله عائد ويا حقوق ارندن متولد ويا سفيه و مديونه متعلق بعض تقيدات بو جمله دندر . مذا كرمسى يابديغمز بو تقيدات قانونمزمده كيرنجه آرتق (هبه مريض) مؤسسه سنه ده حاجت قالمايه جقدر . ذاتاً بو مؤسسه كرك عقد بيعده و كرك عقد هبه ده مرضك شرائطى وزمان تحق اعتباريله يك نظرى قاليور و تصرفات حقوقيه ده الزم اولان قطعت و وثوق و امنيت مفهومى سلب ايديبور .

واقعا بو مؤسسه نك علت تاسيسى بر شخصك حقوق ملكيه و تصرفيه سنى كيف مايشا استعمال ايدم بيلمسي اساسنه فرط رعايتدن و آنجق موته مقارن مرض قريبنه سيله بعض تحديدات قبول ايتكدن عبارت ايسه ده بر آدمك اولدكدن صوكر ا تحق ايدمك بك بر مرضدن دولاي تصرفاتى ابطال ويا تحديد ايتكدن ايسه اولونجهيه قدر واقع اوله جق

هرهسانکی بر تصرفی قانوناً بعض تحدیداته تابع طوتیلمق موجب منفعت ودافع مضرت کوریلورسه بونی تدوین وثبیت ایلک البته دها چوق امنیت بخش اولور .

(۷) موهوب لهک اهلیتنده جالب دقت اولان فرق ، برقاصرک نائب قانونیسی اگر هبه نك قبولی منع ویا اعاده سنی امر ایدرسه هبه نك کأن لم یکن اولسی ویا مال موهوبك صاحبته اعاده سنی لزومی در .

معلوم کزدرکه احکام حاضره منزه نظراً صغیرک نفع محض اولان تصرفی ولی ویا وصیسی اذن واجازت ویرمه سه بیله معتبردر . بو حکم ، صغیرک لهنه اوله رق ثابت اولان برملکیست حمایه سنی درپیش ایلمشدر . اسویچره قانونی ملاحظات اجتماعی و اخلاقیه بی نظر دفته آلمشدر برصغیرک بالخاصه قیزلرک راست کله هبه وهدییه قبول ایتمسی بعضاً بویوک محذورلری داعی اولابیلیر .

(۸) اسویچره قانونیله قانونمزک هبه یه عائد نظری اک بویوک فرق (هبه دن رجوع) کیفیتنده تجلی ایدر .

مجله یه کوره هبه دن قبل القبض رجوع جائز اولدینی کی بعدالقبض موهوب لهک رضاسیله هبه دن رجوع اولونه بیلیر و موهوب له راضی اولمازسه حاکمه مراجعت ایلر . حاکم دخی موانع رجوع یوق ایسه هبه یی فسخ ایده بیلیر .

موانع رجوع دخی زوجیت ، قرابت ، موهوب ده زیاده حصولی ، عوض شرطی ، عاقدیندن برینک وفاتی ، مال موهوبك موهوب لهک ملکنندن چیقمسی ، مال موهوبك تلف اولسی در .

مجله نك استناد ایتدیکی اسباب موجبیه شودرکه هبه ، واهب طرفندن البته بر غایه ومقصد کوزه تیلهرک یاییلمشدر . بوده یا برعوض آلتی ویاخود بر واحسان ده بولونمقدرد . اگر قرائن موجوده بمقاصدندن برینک حصول بولدیغنی کوستریرسه ویا رجوع ایچون امکان مادی قلاماش ایسه واهبک آرتق حق رجوعی قلاماق لازم کلیر .

اسویچره قانوننه نظراً واهبک عنید واقع اولان هبه دن ویا اجرا وانفاذ ایتمش اولدینی وعد هبه دن - موهوب لهک انتفاعی نسبتنده - رجوع واسترداد دعواسی اقامه ایده بیلیمسی آنجق یوقاریده نقل ایتدیکمز اسبابک حدوئنه وابسته در .

اولجده مذاکره ایدلیدیکی وجهله مجله نك رأیلرینه استناد ایتمک ایستمدیدیکی بعض علمای حتموقر هبه نك ملک لازم افاده ایده جگنی ، بناء علیه بعدالقبض واهبک آرتق

